

IZ OŠEĆUJE 64,7 MILIONA KM ODŠTETE ZA RUŠENJE DŽAMIJA

20/02/2009 12:48 by Administrator

Vještak procijenio da je visina štete na Ferhadiji 32 miliona, a na Arnaudiji svega 15 miliona KM.....

Pred Osnovnim sudom u Banjoj Luci za danas je zakazano objavljivanje presude u postupku "Islamska zajednica BiH protiv Republike Srpske i Grada Banje Luke". Kako je "Dnevnom avazu" izjavio advokat IZ Esad Hrvatić, IZ je uvjerena u pozitivan ishod procesa, s obzirom na neoborive dokaze koji su izneseni tokom sudskog postupka.

Islamska zajednica tužila je RS i Banju Luku zbog rušenja 14 banjalučkih džamija 1992. i 1993. godine. U odštetnom zahtjevu traži nadoknadu štete od 64,7 miliona KM. Jedan od ključnih dokaza za IZ jeste činjenica da su svi vjerski objekti uništavani planski i u vrijeme policijskog sata.

O tome svjedoči i Regulatorni plan Grada iz 1994. godine, u kojem se na mjestu vjerskih objekata navodi zelena površina, a nakon potpisivanja Dejtonskog mirovnog sporazuma iz katastra su izbrisane sve džamije.

Islamska zajednica najprije je u ovom postupku otkivala nadoknadu štete od 85 miliona KM, računajući i kulturno-historijsku vrijednost poručenih vjerskih objekata. Međutim, sudski vještak štetu je procjenjivao posebnom metodom, izostavljajući tu vrijednost, a IZ nije imala legitimitet da tužbeni zahtjev usmjeri i na nematerijalnu štetu.

Tako je procijenjena visina štete na dvije najpoznatije banjalučke džamije Ferhadiji i Arnaudiji 32 miliona, odnosno svega 15 miliona KM.

Tužena strana uložila je prigovor na postojanje aktivne legitimacije, odnosno mišljenja je da IZ nije dokazala da je legitimisana za učešće u ovoj parnici, da je tužba zastarjela i da RS u vrijeme rušenja nije postojala te da se jedino može tužiti BiH. Tužba je podnesena 2000., ali je prvo ročište zakazano tek sedam godina kasnije, nakon odluke Ustavnog suda BiH.

Â Autor: V. STEVANOVIĆ

Izvor vijesti: Dnevni Avaz